

Ro Mataana Kana Ta Paulus Ibeede Pizin Tesalonika

¹ Nio Paulus. Niamɲan Silas mi Timoti ambeede ro ti ima piom wal ki kar Tesalonika ta kesekap la ki Tamanda Anutu mi Merere Yesu Krisi, mi kombotmbot lela lupɲana ki Krisi na.✧

Anutu ko ikampe yom, mi imboro yom ma kombot ambai. Nonoono.

Paulus, ni leleene ambai kat pa mbulu kizin Tesalonika

²⁻³ Mazwaana ta boozomen na, niam taiɲgi leleyam ambai kat pa Tamanda Anutu, mi ampakurkuri piom ta boozomen. Pa gorgori ta amkamam suɲɲana pini na, motoyam ilala pa mbulu tiom. Niom tina, urlaɲana tiom ipiyotyooto uraata ambaimbaiɲan. Mi ku'urur kat leleyom pizin tomtom, tabe kembelmbel uraata pizin. Mi ku'urur motoyom pa miiliɲana ki Merere kiti Yesu Krisi, tabe kemendernder mbolɲana ma kombotmbot.✧

⁴ O niom tonmatiziɲ tiam, Anutu, ni leleene piom ilip. Mi niam amute: Ni ipeikat yom ma kewe lene kek.✧

⁵ Pa indeeɲe ta amsoyaara uruunu ambaiɲana piom na, amkam sua tiam men piom som. Bubunɲana Potomɲana ipombol sua tiam ma ima raama mburaana, mi amzzo raama leleyam iurla kat. Mi mbulu ta amkamam la mazwoyom bekenamuulu yom, ina tomini, niom kuute.✧

✧ **1:1:** Nɲgo 17:1-13 ✧ **1:2-3:** 1Kor 13:13; Ga 5:6; Kol 1:4+; 1Tes 4:13+ ✧ **1:4:** 2Tes 2:13 ✧ **1:5:** Ro 1:16+; 1Kor 2:4+, 4:20

⁶ Mazwaana tana, patanjana biibi kat indeenje yom. Tamen kakan la sua tiam, mi Bubuñana Potomñana ikam ma leleyom ambai kat. Tana amre yom kembei kototo yam pa mbulu tiam, mi kototo Merere tomini.✧

⁷ Tana niom kewe kin ambainjana pizin urlanjana kan ta timbot irao Masedonia mi Akaia na, be kapatoonjo zin pa mbulu ta Merere leleene pa i.✧

⁸ Niom kembei kelenkelenj ta itanj ma kalnjaana biibi. Pa kewe zaala pa sua ki Merere ma ila ma irao Masedonia mi Akaia kek. Mi tina men som. Lele ta boozomen tilej uruyom kek kembei kuurla ki Anutu. Tana niam leyam sua sa be amso pizin mini som. Pa uruyom ta tilej kek.✧

⁹ Tana mbulu tau kakam piam indeenje ta ama ma itinjan tombotmbot na, tomtom boozomen tiwidit mbol pa ma amlenjenj. Mi tizzo pa mbulu tiom tau kipizil kat ndemeyom pizin merere pakaamjan, mi kotooro leleyom ila ki Anutu njonono ta mata yaryaraanana i, mi kembesmbeeze pini.✧

¹⁰ Mi inji kazza Lutuunu Yesu tau Anutu ipei i ma imanja pa naala na, be imiili ma imar mini. Ni kola izem saamba mi isu be ikamke iti pa Anutu kete malmalnana kini tabe ipet pa kaimer i.✧

2

Paulus ikam uraata su Tesalonika

✧ **1:6:** Ngo 17:1-9; 1Kor 4:16+ ✧ **1:7:** 1Tes 4:10 ✧ **1:8:** Ro 1:8
 ✧ **1:9:** Ngo 14:15; 1Kor 12:2 ✧ **1:10:** Ro 5:9; Pil 3:20; 1Tes 5:9;
 Tit 2:13

¹ O niom tonmatizij tiam, ituyom kuute: Indeeŋe tau ama mi itinjan tombotmbot na, uraata tiam itop som. Iur ŋonoono. ✧

² Mi niom ko motoyom ingal: Mungu, indeeŋe ta amkam uraata su kar Pilipai na, tibalis yam ma amre yoyouŋana biibi, mi tipamian yam kat. Mi kaimer ma ama ampel tiom na, parzoroŋana ipet ma tomtom tikam pataŋana biibi piam mini. Tamen Anutu ipombol yam, tana amoto som, mi amender mbolŋana, mi amso yom pa uruunu ambaiŋana ta Anutu iswe piti na. ✧

³ Niam sombe amkam sua pizin tomtom be ampombol zin, na ampandelndel zin som, mi ampakamkaam zin som. Amzzo sua ŋonoono men. Mi amzzo raama leleyam ŋeezeŋana. ✧

⁴ Anutu, ni itoombo yam ma ire yam kembei amrao pa uraata kek, tanata indemeere yam mi iur uruunu ambaiŋana imar nomoyam. Tana niam sombe amzzo zin tomtom pa uruunu ambaiŋana, na amkamam ŋgar biibi pa Anutu ta itirtiiri leleyam i be ni leleene ambai pa uraata tiam. Mi zin tomtom, sombe lelen ambai piam, o lelen ambai piam som, na amkamam ŋgar biibi pa koronj ta kembei som. ✧

⁵ Mi niom kuute: Indeeŋe ta itinjan tombotmbot na, amkamam sua mbuyeeneŋana bekena amkam leleyom pa i na som. Mi amkam pakaamŋana sa bekena amwatke leyam koronj tiom na som. Sua tio ti, ŋonoono men. Anutu ire yo mi anso. ✧

✧ **2:1:** 1Tes 1:5,9 ✧ **2:2:** Ngo 16:19+, 17:1+; Pil 1:30 ✧ **2:3:** 2Kor 2:17, 4:2 ✧ **2:4:** 1Kor 4:2+; Ga 1:10; 1Tim 1:11; Tit 1:3 ✧ **2:5:** Ngo 20:33; Ro 1:9; 2Kor 2:17

⁶ Mi niam amkamam be niom, som tomtom pakan kiwit uruyam mi kapakur yam na som. ✧

⁷ Nonoono, niam ngonjana ki Krisi. Tana irao be amkeke piom, mi amur sua piom be ku'uulu yam. Tamen amkamam ta kembei som. Amkamam mbulu luumjana men piom, kembei moori ta mataana pa lutuunu bizin munmun. ✧

⁸ Pa niam amur kat leleyam piom. Tana leleyam be amkam uruunu ambainjana ki Anutu men piom na som. Amso amzem ituyam ma amwe leyom tomini. Paso, leleyam piom ilip. ✧

⁹ O tonmatizin tiam, niom ko motoyom ingalngal. Indeeje ta itijan tombotmbot mi amkamam uruunu ambainjana piom na, leleyam be amkam patajana piom som. Tana ambelmbel uraata bi-ibi pa nomoyam ikot mbej ma aigule, bekenam amkam leyam pat be iuulu yam. ✧

¹⁰ Tana mbulu ta amkamam piom wal ta kuurla na, ituyom kere kek. Mi Anutu tomini ire. Niam ti amkam noobo mbulu sa piom som. Mbulu ta amkamam na, potomjana mi ndeejenana men.

¹¹⁻¹² Mi niom kuute: Mbulu kembei ta tamanda bizin tikamam piti i, ta amkamam ma ikot yom tataja. Pa ampakirkiri yom, mi ampombolbol yom be kikiskis kat sua ki Anutu. Mi kwoyam imbol piom ta kembei: Kapa pai tiom ma ambai men. Naso mbulu tiom itop la kampejana ki Anutu. Pa ni iboobo yom be kombotmbot la peeze kini ma ila irao kala kar kini mi kombot lela azunja kini

✧ **2:6:** Yo 5:41,44; 2Kor 11:7+ ✧ **2:7:** 2Tim 2:24 ✧ **2:8:** Ngo 20:24; 2Kor 12:15; Pil 2:17 ✧ **2:9:** Ngo 18:3+, 20:34; 1Kor 4:12; 2Kor 11:9, 12:15

leleene. ✧

Zin Tesalonika urlañana kizin imbol kat, tabe timender mbolñana pa patañana

¹³ Uunu toro ta gorgori niam leleyam ambai pa Anutu mi ampakurkuri, ina ta kembei: Indeeñe ta amkam sua ki Anutu piom na, kelenj sua tiam tana mi kere kembei sua sorok kizin tomtom som. Niom kikilaala kat kembei ina Anutu itunu sua kini, mi kakan la. Mi niom wal tau kuurla na, sua tana ikamam uraata la leleyom men i. ✧

¹⁴ Niom tonmatizinj tiam, mbulu tamen ta ipet piom, mi zin wal ki Kripsi ta timbotmbot lele pakaana ki Yudea na. Pa zin wal ta niomñan kar ta na, tikamam patañana piom, raraate kembei ta zin Yuda tikamam pa waen bizin ta tiurla ki Kripsi na. ✧

¹⁵ Kere. Zin Yuda, munju tipun Merere Yesu Kripsi mi Anutu kwoono bizin ma timetmeete. Mi inji tiseseze niam motoyam tomini. Tana Anutu leleene pizin som kat. Pa tiurur koi pa tomtom ta boozomen. ✧

¹⁶ Mi inji lelen be amkam sua pizin wal ta Yuda somñan i pepe, mi tikamam be tisekaala zaala piam. Paso, lelen be Anutu ikamke zin wal ta Yuda somñan i pepe. Tana sanaana kizin ta gorgori tinoknok, ta inji indoundou ma iwe biibi kat, mi ikamam be ise ka senjaaña i. Tana inji be Anutu kete malmalñana kini ise kizin mi ikam kat zin. ✧

Paulus leleene ilip kat be ire zin Tesalonika mini

✧ **2:11-12:** Ngo 20:31; Ep 4:1; Pil 1:27; Kol 1:10; 1Pe 5:10 ✧ **2:13:** Ga 1:11+; 1Tes 1:5 ✧ **2:14:** Ngo 17:5+; Ibr 10:33+ ✧ **2:15:** Mt 5:12; Mt 23:34+; Ngo 2:23 ✧ **2:16:** Mt 23:32+; Ngo 13:45,50, 17:5

17 O niom tonmatizij tiam, niom kuute: Zin Yuda timannga piam, tabe tikam ma lonja amzem yom, mi mazwaana ri tingi taparmbot molo piti. Tamen leleyam na, imbotmbot raama yom men. Tana ambot mi amkamam kinkiini be ama mini. ☆

18 Pa leleyam ilip kat be amre motoyom mini. Nio Paulus anrru zaala be anma. Tamen anmannga be anma na som. Beso anmannga mini na som. Pa Tomtom Sanaana ta isekalkaala zaala piam. ☆

19 Kelenj. Merere Yesu Krisi isombe imiili ma imar, na niam ko amur motoyam pa sokorei? Mi sokorei tabe ikam yam ma niyam ise, mi menmeen yam isu kereene uunu? Mi sokorei ta ko iwe kembei kadoono ambairjana piam? Ina niom tau! ☆

20 Nonoono kat. Niom tina, ta ko kakam yam ma menmeen yam biibi mi niyam ise. ☆

3

Uunu ta Paulus injgo Timoti ma ila kizin Tesalonika kan

1-2 Indeeñe ta niam ambotmbot kar Atens na, kopoyam rru piom. Ko kombot ambai, som som? Amru zaala ma som, ta ango tonmatizij tiam Timoti ma ima. Mi niam pakan na, ambot. Timoti, ni igabgaaba yam pa uraata ki Anutu, mi iuluulu yam pa Krisi uruunu soyaaranjana. Tana niam ango i piom, bekena ipombol urlanana tiom, mi iuluulu yom ma kemender mboljana. ☆

☆ **2:17:** Ngo 17:5-10 ☆ **2:18:** Ro 1:13, 15:22 ☆ **2:19:** Pil 2:15+, 4:1; 2Tes 1:4 ☆ **2:20:** 2Kor 1:14; 1Tes 3:13; Tur 1:7 ☆ **3:1-2:** Ngo 17:15

³ Pa amoto: Kokena pataŋana ta ikamam yom i itok tomtom tiom pakan urlaŋana kizin. Mi niom kuute kek. Sombe toto Anutu zaala kini, nako tabaada pataŋana ta kembei. ✧

⁴ Pa indeeŋe ta itijaŋa tomtombot na, amzzo piom ta kembei: “Kere yom. Pa tomtom ko tikam pataŋana piti.” Sua tiam tana, iŋgi kere iur ŋonoono kek.

⁵ Tana aŋru zaala ma som, to aŋgo Timoti ma ima. Pa aŋmoto: Kokena Watiŋi itoombo yom, to ikam ma uraata tiam itop ma iwe koronj sorok. Tana aŋso aŋute kat: Uraŋana tiom imbol, som som? ✧

Paulus ileŋ zin Tesalonika urun ma leleene ambai kat

⁶ Uunu tina ta aŋgo Timoti ma ima. Mi ni ima ilou yom makinj, ta iŋgi imar ipet tiam i. Mi ikam uruyom ambaiŋana ma imar, mi iso piam ta kembei: Niom kikiskis men urlaŋana tiom, mi ku'urur leleyom pizin tomtom. Mi ketwer piam pa mazwaana ta boozomen, mi leleyom ilip be kere yam, kembei ta niam tommini leleyam be amre yom. ✧

⁷⁻⁸ Tana niom toŋmatiziŋ tiam, ŋonoono, iŋgi niam ambotmbot raama pataŋana boozomen, mi tomtom tiseseze motoyam. Tamen amleŋ uruyom kembei kemendernder mbolŋana, mi kikiskis urlaŋana tiom ta ila ki Merere i, tanata ipombol yam ma leleyam ambai kat!

⁹ Mi indeeŋe ta amzuŋzuŋ su Anutu kiti kereene uunu na, leleyam ambai kat mi ampakurkuri

✧ **3:3:** Yo 16:33; Nŋo 14:22; 2Tim 3:12 ✧ **3:5:** Pil 2:16 ✧ **3:6:** Nŋo 18:5

piom. Tana ko amso so sua i be amswe leleyam ambairjana ti? Som. Pa sua sa irao som.

¹⁰ Mi mbej ma aigule na, amkamam sunjana mboljana be Anutu iur leyam zaala sa be ama mi amre motoyom mini. Naso amrao be ampaute yom pa koron pakan ta kuute zen na, mi ampombol urlajana tiom ma imbol kat. ✧

Paulus isun pizin Tesalonika kan

¹¹ Tana inji anjun Tamanda Anutu ziru Merere kiti Yesu be tiur leyam zaala sa mi ama.

¹² Mi Merere ko ikam ma ku'urur leleyom par piom mi pizin tomtom ta boozomen. Mi mbulu tana ko izze ma iwe biibi ma raraate kembei ta niam amurur leleyam piom na. ✧

¹³ Mi ni itunu ko ipombol leleyom. Beso Merere kiti Yesu Krisi imiili ma imar raama wal kini potomjan ta boozomen, mi kemender su Tamanda Anutu kereene uunu, na ni ko ire yom kembei niom ndaboknojom, mi potomnojom, mi leynom uunu sa isaana som. ✧

4

Mbulu pakan ta Anutu leleene pa

¹ Ayo, niom tonmatizij tiam, inji be anposop sua tio. Mbulu ta Anutu leleene pa be kakam, ina niam ampaute yom pa ma kuute kek. Mi mbulu tana ta kakamam, mi iseenge iseenge ma imarmar i. Mi inji amso ampombol yom mini pa Merere Yesu zaana be kakam ma kam kat, mi iseenge iseenge ma ila. ✧

✧ **3:10:** Ro 1:10+; 2Tim 1:3 ✧ **3:12:** 1Pe 1:22 ✧ **3:13:** 1Kor 1:8+; 1Tes 4:16+; 2Tes 1:10; Tur 14:5 ✧ **4:1:** Pil 1:27; Kol 1:10; 1Tes 2:12

² Tutu ta amur piom pa Merere Yesu zaana, ina niom kuute kek.

³ Anutu, ni leleene be kewe potomņoyom. Tana mbulu ki urnanol na, kombot molo pa. ✧

⁴ Niom tomtom tatanja, motoyom ingal be koto zaala ki Anutu pa mbulu ki ula, mi kagabiizi ituyom. Naso kakam mbulu potomņana ta ambai pa Anutu mi tomtom matan.

⁵ Kokena kakam kembei wal matan munjan ta tiute Anutu som i. Pa zin na, nin zze pa mbulu soroksorok boozomen ki kulin, mi tikamam. ✧

⁶ Tana kere yom. Kokena kakam mbulu ki urnanol, to kapasaana toņmatiziņ tiom mi kakam ņoobo zin. Pa mbulu boozomen ta kembei na, Merere kola ipokot. Ka sua ta niam amso ma kelenj kek. Pa munju amkam sua mbolņana piom pa mbulu ta ti. ✧

⁷ Anutu, ni iboobo iti be takam mbulu sananņana som. Ni iboboobo iti be tewe ni lene kat, mibe tewe potomņanda. ✧

⁸ Tana sombe tomtom sa izooro sua ti, na ni izooro yam tomtom som. Ina ni izooro Anutu ta ikamam Bubunņana Potomņana piti i. ✧

Tuur lelende pizin tomtom

⁹⁻¹⁰ Mi mbulu ki tuur lelende pizin toņmatiziņ ta ki Krisi i, na niam leyam sua sa be ambeede piom som. Pa Anutu itunu ipaute yom pa mbulu tana ma karao pa kek. Mi ingi ku'urur leleyom pa toņmatiziņ ta boozomen ki Krisi ta timbot irao

✧ **4:3:** 1Kor 6:13+; Ep 5:3,17,27; 1Pe 1:16 ✧ **4:5:** Ro 1:24+; 1Kor 15:34; Ep 4:17+; Kol 3:5 ✧ **4:6:** Kam 20:14; Ibr 13:4 ✧ **4:7:** Yo 17:19; 1Pe 1:15+ ✧ **4:8:** Lu 10:16; 2Kor 1:22; Ep 4:30; 1Yo 3:24

lele pakaana biibi ki Masedonia na. Tamen amso ampombol yom mini be kakam kat mbulu tana, mibe kikiskis mi iseenge iseenge ma ila. ✧

Takam uraata. Kokena tombot se kizin wal pakan

¹¹⁻¹² Niam leleyam be kombot se kizin wal pakan pepe. Tana kuur niyom, mi mbuleyom tun su kat, mi kakam uraata pa ituyom nomoyom, kembei ta munḡu amso piom na. Naso mbulu tiom ambai pizin wal ta tiurla som na matan. Kokena motoyom inḡal uraata tiom som, mi kawwa leyom sorok. ✧

Miilinana ki Yesu

¹³ Niom tonmatizin tiam, niam leleyam be kakam kat nḡar pizin wal meetenan. Nonoono, zin wal ta tiurla som na, lenen ipata kat pizin meetenan. Paso, zin tiurur matan pa manḡanana kizin meetenan som. Mi niom na, leleyom ipata kat kembei ta zin pepe. Kakam nḡar pizin meetenan kembei zin tikenne men. ✧

¹⁴ Pa iti tuurla ta kembei: Yesu, ni imeete mi imanḡa mini kek. Tana zin wal ta tiwe ni lene mi timeete na, Anutu kola ipei zin ma timanḡa mini, mi ikam zin ma zinan Yesu tila kini. ✧

¹⁵ Inḡi Merere itunu kalḡaana ta amso piom: Ni isombe imiili ma imar mini, na iti ta tombotmbot matanda yaryaara i ko tumuunḡu pizin wal meetenan som. ✧

✧ **4:9-10:** Yo 13:34, 15:12; Ep 5:2; 1Yo 3:11+ ✧ **4:11-12:** Ep 4:28; Kol 4:5; 2Tes 3:6+; 1Pe 2:12, 4:15 ✧ **4:13:** Ep 2:12 ✧ **4:14:** Ro 14:9; 1Kor 15:13+ ✧ **4:15:** 1Kor 15:51+

¹⁶ Pa Merere isombe izem saamba mi isu, na ni ko iur sua raama kaljaana biibi, mi aŋela kini mataana kana iboobo, mi twiiri ki Anutu itaŋ. To zin wal ta tiwe Kriŋi lene mi timeete kek na, ko timaŋga muŋgu, ✧

¹⁷ mana tiyogeege iti pakan ta tombotmbot matanda yaryaara i, mi tilup ti raama zin meeteŋan, mi karau men mi tikam ti ma tasala miiri tieene ta imbot la maŋaanaŋana na. Mi itiaŋ Merere ko tasala kar saamba be tombotmbot raami ma alok. ✧

¹⁸ Tana motoyom iŋgalŋgal sua ti, mi kaparpom-bolmbol yom pa.

5

Tuurpe itundu mi tuur matanda pa miiliŋana ki Merere

¹ Niom toŋmatiziŋ tiam, miiliŋana ki Merere ka nol na, niam irao ambeede ka sua sa na som.

² Pa ituyom kuute kek. Nol ki Merere ko ipet kembei tomtom kuumbuŋana ta imar pa mbeŋ i. ✧

³ Tomtom ko tizzo ta kembei: “Aiss, iŋgi mazwaana ambaiŋana kat be tombot. Pa kosa sa irao ipasaana iti na som.” Tana ko tizzo ta kembei, mi patanaŋana tabe ipasaana kat zin ipet. Ko ipamurur zin kembei moori ta pikin ikam kati be ipeebe i. Mi ko tirao be tiko na som.

⁴ Mi niom toŋmatiziŋ tiam, niom kombotmbot lela zugut lene mini som. Tana nol biibi tana irao

✧ **4:16:** Mt 24:30+; 2Tes 1:7+ ✧ **4:17:** Yo 12:26; Nŋo 1:9; Tur 11:12 ✧ **5:2:** Mt 24:43+; 1Kor 5:5; 2Pe 3:10; Tur 3:3, 16:15

be ipamurur yom kembei tomtom kuumburana i na som.

⁵ Pa iti zugut kanda som. Niom ta boozomen tina aigule koyom. Kewe mat lutuunu bizin kek. ✧

⁶ Tana iti tekeenemeete kembei ta zin wal pakan pepe. Tagabizbiizi itundu, mi tapamatmaata ma tombotmbot. ✧

⁷ Kere. Zin wal ta tikenne na, tikenne pa mbeḅ. Mi zin wal ta tiwinin ma tigadgaada na, tiwinin pa mbeḅ.

⁸ Mi iti na, aigule kanda. Tana tagabiizi itundu, mi tiurla kat, mi tuur lelende pizin tomtom. Pa ina iwe kembei mburu malmal kana ta isekalkaala kanda mbooro na. Mi tu'urur matanda pa mazwaana tabe Anutu ikamke iti ma tombot ambai. Pa ina iwe kembei mburu malmal kana ta isekalkaala utende na. ✧

⁹ Pa Anutu, ni iur ti be kete malmalḅana kini ise kiti na som. Ni iur ti be takam ulaaḅa kini ma iwe lende. Ulaaḅa tana na, Merere kiti Yesu Kresi ta iwe zaala pa. ✧

¹⁰ Pa ni ta ikam murindi mi imeete piti, bekena ikam ti ma tala tombotmbot raami su kar saamba. Tana sombe temeete, som tombot matanda yaryaara, nako ni itinḅan tombotmbot. ✧

¹¹ Tana niom ta boozomen kaparpombolmbol yom be kemender mbolḅana, kembei ta kakamam i. ✧

Sua tutḅana pakan

✧ **5:5:** Lu 18:8; Yo 12:36; Ep 5:8+ ✧ **5:6:** Mt 24:42, 25:1-13; Ro 13:11+; 1Kor 15:34; Ep 5:14; 1Pe 5:8 ✧ **5:8:** Ep 6:13+ ✧ **5:9:** Ro 5:9; 1Tes 1:10; 2Tes 2:13+ ✧ **5:10:** Ro 14:8+; 2Kor 5:15; 1Tes 4:14 ✧ **5:11:** Ibr 10:24+; Yud 20

12 Niom toŋmatiziŋ tiam, zin wal tau Merere iur zin be timboro yom, mi tikamam uraata piom, mi tipazalzal yom pa sua ki Anutu na, timbelmbel uraata piom. Tana niam leleyam be leynom nger pizin, ☆

13 mi kuur kat leleyom pizin, mi motoyom ikotse kizin. Pa zin tikamam uraata biibi piom. Mi leleyam be niom ta boozomen kaparlup leleyom ma kewe tamen, mi kombotmbot la mbulu luumuŋana men.

14 Niom toŋmatiziŋ tiam, niam amso ampombol yom pa mbulu pakan tabe kakam i. Zin wal ta so mburan pa uraata som, mi timbombooren sorok i, na kapazal zin. Mi zin wal ta so timototo, na kopombol zin. Zin wal ta so timbol som, na kapalot zin bekena timender mboluŋana. Mi kakam mbulu luumuŋana men pa tomtom ta boozomen. ☆

15 Sombe tomtom sa ikam ŋoobo mbulu piom, na kopokot pepe. Mazwaana ta boozomen na, kakam kinkiini be kaparkam mbulu ambaiŋana piom, mi pizin tomtom ta boozomen. Tana kere be kaparpombolmbol yom pa mbulu ta kembei. ☆

16 Leleyom ambai pa mazwaana ta boozomen. ☆

17 Mi kuzuŋzuŋ taparpaara. ☆

18 Mbulu pareipareinŋan ta so ipet, na leleyom ambai men pa Anutu mi kapakuri. Pa ni leleene be niom wal ta kesekap la ki Krisi i kakam mbulu ta kembei. ☆

☆ **5:12:** 1Kor 16:18; Ga 6:6; Pil 2:29; 1Tim 5:17; Ibr 13:7,17

☆ **5:14:** Mt 18:15; Ro 14:19; Ga 6:1+; Kol 3:12; 2Tes 3:6+ ☆ **5:15:**

Mt 5:39+; Ro 12:17; 1Pe 3:9 ☆ **5:16:** 2Kor 6:10; Pil 4:4 ☆ **5:17:**

Lu 18:1; Ro 12:12; Ep 6:18; Kol 4:2 ☆ **5:18:** Ep 5:20; Kol 3:17

19 You ki Bubunjana Potomņana na, kupunmeete pepe. ✧

20 Mi Anutu kalņaana ta kwoono bizin tiso yom pa na, kerepiili kembei koron sorok pepe. ✧

21 Tamen sua mi mbulu ta boozomen na, niom bela kipitpeleele. Koron ambaimbaiņan na kikiskis. ✧

22 Mi koron sananņan ta boozomen na, kombot molo pa.

Sua pemetņana

23 Anutu, ni imborro iti ma tombot ambai, mi ni mbulu luumuņana katuunu. Ni itunu ko ikam yom ma kewe potomņoyom kat, mi imborro kunuyom, nņar tiom, leleyom, mi kuliyom ma ambai men ma irao miilņana ki Merere kiti Yesu Krisi. Naso leyom uunu sa isaana som. ✧

24 Anutu ta iboboobo yom i, ni itoto sua kini mbukņana. Tana ni kola ikam ta kembena. ✧

25 Niom tonmatizij tiam, motoyom ingalņgal yam pa sunņana. ✧

26 Mi zin tonmatizij kiti ta tiurla na, kakam zin ta boozomen mi kaparteege nomoyom. ✧

27 Nio anķam sua mbolņana piom pa Merere zaana be kapaata ro ti pizin wal urlaņan ta boozomen ma tileņ.

28 Kampeņana ki Merere kiti Yesu Krisi ko ise tiom. Nonoono.

✧ 5:19: Ep 4:30; 2Tim 1:6 ✧ 5:20: 1Kor 14:1,39 ✧ 5:21: 1Kor 14:29; 1Yo 4:1 ✧ 5:23: Ro 15:33; 1Kor 1:8; 1Tes 3:13; 2Tes 3:16 ✧ 5:24: 1Kor 1:9, 10:13; Pil 1:6; 2Tes 3:3 ✧ 5:25: Kol 4:3; 2Tes 3:1 ✧ 5:26: Ro 16:16

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593